

جَزَائِرِ حَاكِمِي

جمعه ایرتسی

نومرو	ربیع الآخر	سنه	تشرین ثانی	سنه	صحیفه
۵۷۳	۹	۱۳۰۸	۱۰	۱۳۰۶	۸۲۸۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حساییله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولق اوزره یوز باره یه هر یر ده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظا رتی)
 (داتره سنده کائن جریده محاکم اداره سنه مراجعت ایلملیدر)

قسمت رسمی

توجیهات

بتلیس ولایتی بدایت محکمه سی رئیس اولی
 رفعتلو اسماعیل سمعی افندی به رتبه ثالته
 بک اوغلی بدایت مقاولات محرری عزتلو
 عبده نعمه افندی به رتبه ثانیه صنف اول متمیزی
 توجیه

بیروت ولایتی بدایت محکمه سی مستنطق
 اوللکی مکتب حقوق شاهانه مأذونلرندن
 علی رشدی افندی به

یائیه ولایتی بدایت محکمه سی مستنطق اوللکی
 مکتب مزبور مأذونلرندن محمد وصفی افندی به

دیار بکر ولایتی بدایت محکمه سی مستنطق
 اوللکی ملاطیه اجرا مأموری سابق مصطفی کامل
 افندی به

انقره ولایتی مرکز بدایت محکمه سی مدعی

عمومی معاونان کی یوزغاد سنجائی بدایت محکمه سی
جزا داره سی رئیس رفعتلو مصطفی فوزی
افندی به

پرزرین سنجائی بدایت محکمه سی جزا داره سی
ریاستی ملاطیبه سنجائی بدایت محکمه سی جزا
داره سی رئیس صبری افندی به تفویض
پوریشدر .

اتهامیه جبه برائتینه قرار و برلش اولدیغی
ولایت مشار الیها مدعی عمومیلکنندن عدلیه
نظارت جلیله سنه وقوعبولان اشعاردن نمایان
اولشدر .

شتم و حقارت ماده سندن طولایی تحت
محاکمه به النمش اولان یاقه نائی و بدایت محکمه سی
رئیس رشیدالطار افندی ک قدس بدایت
محکمه سنجه جریان ایدن محکمه سی نتیجه سنده
برائنه قرار و برلش اولدیغی بیروت ولایتی
مدعی عمومیلکنندن عدلیه نظارت جلیله سنه
وقوعبولان اشعاردن منقهم اولشدر .

مأموریتلرینی سوء استعمال ایتک و ذمتلرینه
ایقه پکورمک ماده لرندن طولایی تحت محاکمه به
النمش اولان اقحصار نائی و بدایت محکمه سی
رئیس سابق احمد مختار افندی ایله محکمه
من بوره برنجی کاتبی امین افندی ک حق لرنده
جریان ایدن تحقیقات و تدقیقات نتیجه سنده آیدین
ولایتی استیناف محکمه سنجه تشکل ایدن هیئت

معموره العزیز بدایت محکمه سی جزا داره سی
رئیس بشیر افندی ک ایزدلی علی افادن اخذور شوته
متجاسر اولدیغی دیار بکر مدعی عمومیلکنندن
اشعار و بو باده کی اوراق تحقیقیه ک دخی تسبیح
ایندلسی اوزرینه رئیس مومی البهک تحت محاکمه به
النمش خصوصه سنه عدلیه نظارت جلیله سنجه
مأذونیت و برلشدر .

قیصریه بدایت محکمه سی جزا داره سی
هیئتی مغایر قانون معاملاتندن طولایی اولجه تحت
محاکمه به النمش اولدیغی کی محکمه من بوره مدعی
عمومی معاونی محمد صدق افندی ک دخی خلاف
نظام حرکتندن ناشی انقره مدعی عمومیلکنندن
کوستریلان لزوم اوزرینه تحت محاکمه به النمش
بوکره عدلیه نظارت جلیله سنجه مأذونیت
و برلشدر .

ناصره قضایی نائی و بدایت محکمه سی
رئیس شفیق و محکمه مذ کوره اعضا سندن
شبلی افندی لرله مستنطق محمد افا و معاونی و مدعی
عمومیلک وظیفه سنی ایفا ایدن پولیس نفرینک
سوء معامله لرندن طولایی بیروت ولایتی مدعی
عمومیلکنندن وقوعبولان اشعار اوزرینه عدلیه
نظارت جلیله سنجه بونلرک تحت محاکمه به

و بزه قضایی بدایت محکمه سی مدعی عمومی
معاونی اولوب خلاف نظام حرکاته متجاسرتی
حسبیه تحت محاکمه الی الذریقه بر هفته مدت
حبس جزاسیله محکوم اولان روبر افدینک امور
مأموره سنی سوء استعمال ایلدیکی بوضوئله حکماً
دخی ثابت اولسنه مبنی مأموریتدن عزل ايله
یرینه بشقه سی تعیین اولمشدر .

(فی ۹ ربیع الآخر سنه ۳۰۸ و فی ۱۰)
(تشرین ثانی سنه ۳۰۶ تاریخنده بالجمله)
(ولایات استیناف مدعی عمومی لینه و مدعی)
(عمومی بولنمیان محلل مدعی عمومی معاون لینه)
(یازیلان تحریرات عمومی صور تیدر)
(رهبان و خااملرک اصول تحلیفه دائر قله)
(النوب مرعیت احکامنه بالاستیذان اراده)
(سنیه جناب پادشاهی شرفعلی بیوراش)

(اولان فقره نظامیه صور تیدر)

رهبان و خااملرک محاکم حقوقیه و جزایه
ایله استنطاق دائره لرنجه تحلیف لری لازم کلدکه
آینلری وجهله تحلیف ایدلک اوزره منسوب
اولدقلری بطریقخانه و متره بولید و مرخصه خانه
و خااخلخانه لره کوندر بلور و تحلیف اولنوب
اولدقلری بطریقخانه و متره بولید و مرخصه خانه
و خااخلخانه لردن بامذکره بیلدر بلور .

رهبان و خااملرک اصول تحلیفه دائر قله
النوب مرعیت احکامنه اراده سنیه حضرت
پادشاهی شرفصدور بیوریلان و صورتی بالاده
محرر بولسان فقره نظامیه موجبجه معامله
اولتمسک دائره مأموریتلرنده بولسان محاکمه
تبلیغی ضمننده اشبو تحریرانک نسخ مطبوعه
کافیه سی لفا ارسال قلمش اولغله اجرای ایجابی
سیاقنده شقه ترقیم قلندی .

قسم غیر رسمی

(اوچیز الی سنه سی حزرانک سکرنجی)
(کونی چکجه صغیر قضاسنه تابع چفته الان)
(قریه سی ساکنلردن شا کر چاوش ايله)
(اوغلی احمدی جرح ایدرک بونلردن ایدرک)
(اثر جرحدن وفات ایلدیکی ادما اولتمسندن)
(طولانی مظنون علیهما اولان قرق بش)
(یاشنده چفته الان قریه لی کورجی محرم)
(پهلوان ايله اون طقوز یاشنده اوغلی حاشرک)
(اجرا قلنان محاکمه علیه لری ضبطنامه سی)
(صور تیدر)

اوچیز الی سنه سی حزرانک سکرنجی
کونی چکجه صغیر قضاسنه تابع چفته الان
قریه سی ساکنلردن شا کر چاوش ايله اوغلی
احمدی جرح ایدرک بونلردن ایدرک اثر جرحدن
وفات ایلدیکی ادما اولتمسندن طولانی مظنون
علیهما اولان قرق بش یاشنده چفته الان قریه لی
کورجی محرم پهلوان ايله اون طقوز یاشنده اوغلی

حاشرک جنایتله اتهام لرنه دائر هیئت اتهامیه دن
تنظیم قلنان فی ۲۸ تموز سنه ۳۰۶ تاریخلی
و ۲۱۸ نومرولی مضبطه ايله استیناف مدعی
عمومیلکدن فی ۲۲ اغستوس سنه ۳۰۶ تاریخلی
و ۳۸۹۹ نومرولی اتهامنامه سی اوراق متفرعه سیله
فی ۱۰ ایلول سنه ۳۰۶ تاریخنده محکمه جنایتیه
تودیع اولغله بالمطالعہ تفصیلاتی طوئیلان
ضبطنامه ده مندرج اولدیغی وجهله اصول
محاکمات جزایه قانونک باب ثانیه سنک فصل
رابعنده محرر معاملات ابتدایه بعدالایفا متهم محرم
پهلوان و حاشر سنه مذکور تشرین اولنک برنجی
کونی توقیفخانه دن جلب ايله وکیل منتهی لری
عزت افندی یانلرنده اولدیغی و مدعی عمومی
معاونی مصطفی افندی و مدعی شخصی مقتولک
پدری شا کر چاوش حاضر بولندقلری حالده
محاکمه علیه به ابتدار ايله قانون مزبورک ایکوز
التمش دردیجی و ایکوز التمش بشیجی ماده لری
مندرجاتی بعدالاحطار اتهام مضبطه سیله اتهامنامه
ضبط کانی شوکت افندی به قرائت ایتدی لری .

مذکور مضبطه نک مآلی مرقومان محرم
پهلوان و اوغلی حاشرک شا کر چاوش ايله اوغلی
احمدی اثنای منازعه ده بالظه و یحاق ايله ضرب

وجرح ایلدکری حقنه اوراق تحقیقه ده
مندرج محرم پهلوانک اقراری و شاهدلک اخباراتی
وطیب راپورتی مندرجاتی اتهامینه کافی
کورلمش و حرکتلری قانون جزانک قرق بشجی
ویوزیتش دردنجی مادهلری احکامنی مسئلزم
افعال جنائیه دن بولنش اولدیغندن جنایتله
اتهاملرینه قرار ویرلدیکنی و اتهامنامه نک مفادی
دخی مضبوطه مذکوره مندرجاتی وجهله مرقومانک
جنایتله متهم بولندقلرینی بیان وایضاحدن
عبارتدر .

قانون مزبورک ایکیوز التمش التنجی ماده سنه
توفیقاً اتهامنامه نک مآلی متهمان مرقومانه تفهیم
ومعاون موخی الیه طرفندن دخی اسباب اتهاملری
تفصیل و تشریح اولندقدن صکره مرقومان
سویلتدیرلدکده بولردن محرم پهلوان بر جمعه
کونی کندوسی جامعدن چیقوب خانه سنه کیمکده
ایکن اودون کیمکه کیمکده اولان کوچک اوغلی
جیدی مدعی شخصی شاکر چاوشک اوغلی
احمد ایله ضرب ایتکده اولندقلرینی کورمکه
قورتارقی ایچون کندیکنده مرقومان بالطه
و بچاق ایله کندوسنک و مؤخرأ کلش اولان دیگر
اوغلی شاشرک اوزرینه هجوم ایدرک کندولرینی

ضرب و جرح ایتدکلرندن فرارایدوب خوفلرندن
ناشی بر قاج کون قیرده یاتمش ایسه لرده بالاخره
حکومه تسلیم اولندقلرینی و کندولرینک بدلرند
بالطه و بچاق بولندیقنی تذکار و شاشر دخی
پدرینک بو افاده سنی تصدیق و تکرار ایدرک هر
ایکیسی دخی انکار نهمت ایتمرله اساس ژورنالی
ومعاینه راپورتلری و مرقوم محرمک دائره
استنطاقده سبق ایدن اقراری لدی القرانه ژورنالک
مآلی چقنه الان قریه سنده وقوعولان جرح و قتل
فعالنک فاعلاری اولوب وادی فرارده بولنان
محرم و اوغلی شاشرک قیرده طولاشمقده اولندقلری
کوریلرک دردست ایلدکلرینی و راپورتلرک
مفادی دخی شاکر چاوشک باشنک صول طرفنده
وقولاغنک ایکی پارق بوقار یسنده قالینجه بر جسم
صلبک تأثیر ضربی ایله حصوله کلش بر صدد
جرح کوریلوب مرقومک خسته خانه به کوندلرلی
لازم کلدیکنی و احد دخی معاینه اولندقدن قدام
رأسنده کیرجه ایکی بچاق یاره سی کورلمش
ویاره نک بر یسنک تختنده کی کیکک قیرلمش اولدیغنی
کوریلرک تأثیر جرح ایله نذف دماغ حصوله
کله رک اندن متأثرأ وفات ایلدیکنی و محرم پهلوانک
زبدۀ اقراری دخی اوغلم جیدک بوايشده مدخلی
بو قدر بن دیگر اوغلم شاشر ایله بوايشی یایق

و مستنطق طرفندن ایراد ایدیلان سؤال اوزرینه
بویله برجنایتی یایق ایسته مز ایدک اولدی وری
تشویق ایدن اولدی دیدیکنی مبین اولغله مدعی
شخصی شاکر چاوشدن صورت وقعه و ادعای
صورلدقده متصرف اولدیغنی قور یسنندن متهم
محرم پهلوان و اوغلری حطب قطع ایتکده
اولندقلری مثلاً وقعه کونی سعید اغا نک خانه سی
حول یسنده اوغلی احمد ایله اوتوروب متهم
مرقومک فضولی اوله رق قور یسنی کیمکده اولد
یغندن بختله قریه نک اختیار مجلسنک تجمعیله بو
ایشه برقرار و برلستی سعید اغایه افاده ایتکده
ایکن متهم مرقومک کوچک اوغلی جیدک یندنه
بالطه اوله رق حطب کیمکه کیمکده اولدیغنی
کورمکه مرقومی چاغروب اختیار مجلسی طرفندن
برقرار ویرلدکجه قور یسندن اغاچ قطع ایتماسنی
تنبيه ایتمی اوزرینه مرقوم عودتله کیفیتی پدری
محرمه حکایه ایتکده متهم محرم پهلوانک یندنه
بالطه و اوغلی شاشرک بچاق اولدیغنی و برطاقم
اطاله لسانده بولندقلری حالده کله رک و هر
ایک یسنده اوغلی احمد اوزرینه هجوم ایدرک
ضرب و جرح و کند یسنده نه یاپورسکز دیوب
اوزرلرینه کندیکنده بولردن شاشر کند یسنی
بچاقله جرح ایدرک فرار ایلدکلرینی افاده

و حقنرندۀ لازم کلان معاملۀ اجراسنی بیان
ایتکله مدعی عمومی طرفندن ویریلان شهود
پوصله سنده اسملری محرر اولوب دعوت واقعه
اوزرینه کلش اولان قریه مرقومه لی کورجی
سعید و عارف بعد التحلیف منفرداً و مواجهه
استماع اولندقلرندۀ بولردن کورجی سعید مدعی
شخصی شاکر چاوشک افاده سی وجهله وقعه
کونی متهم محرم پهلوانک اوغلی جیده قور یسن
حطب قطع ایتماسی اخطار اولندقدن مرقوم
خانه سنه عودتله کیفیتی پدرینه حکایه ایتمی
اوزرینه مرقوم محرم پهلوان سب و شتم ایدرک
شاکر چاوشک یانه کلوب چو جهمدن نه
ایستورسک دیسنه قارشو شاکر چاوش دخی
یئلرنده منازع فیه اولان قوری مسئله سنه اختیار
مجلسنجه برقرار ویرلدکجه حطب کسیماسنی
سویلتکله متهم مرقوم کتورک شو بچاغنی دیرک
خانه سنه کندیکن صکره کند یسنک یندنه بالطه
و اوغلی شاشرک بچاق اولدیغنی حالده بالورود
شاکر چاوش و اوغلی احمد اوزرلرینه هجوم
ایله مرقومانی ضرب و جرح ایدرک فرار
ایتدکلرینی ولدی السؤال شاکر چاوشک یندنه
برشی اولیوب احمدک النده او ائشاده بر اودون
کور دیکنی و عارف دخی مرقوم سعیدک افاده سنی

تصدیق و تکرار و انجق کند و سنک بولند بخی موقع
ایله محل منازعه ارسنده یوز آدیم ندر مسافه
اولمی و شاگر چاوش ایله اجددن دم جریان
ایتدیکنی کورمکه بانیلش بولندی جهته منهلردن
محرم پهلوانک بدنده برشی اولوب اولدیغنیك
فرقده اوله میوب و اشرك بدنده بچاق کورمش
اولدیغنی افاده و اخبار ایتمله نه دیه جگرلی
منهلردن صورلدقده بولردن محرم پهلوان شهود
مستمعدن سعید حال شیخو خنده بولسان پدرینی
هر دایم ضرب ایدوب کندیسیده اختیار مجلسنه
مرقومدن شکایت ایلدیکی جهته غرض
و خصوصتی اولدیغندن اخبار بنی قبول ایدمه .
جگنی بالیان افادات واقعه لرده اصرار ایتکله
بوجهت شهوددن صورلدقده مرقومی تکذیب
ایتدیلر تحقیقاتک بوندن عبارت اولدیغنی بیان
اولندقده معاون مومی الیه مصطفی افندی منم
محرم پهلوان و اوغلی و اشرك بالمنازعه مشترکاً
بالطه و بچاق ایله اجدی جرح و قتل و شاگر
چاوشی جرح ایتدیکری محرم پهلوانک دائره
استنطاقده سبق ایدن اقراری و شهود مستمعدنك
اخباراتی و معاینه راپورتی مندرجاتی ایله تحقیق
ایلدیکندن مجرمیتلرینک تحت حکمه التمسنی ادما
ومدافعه و کیلی عزت افندی دخی اجرا قلنسان

عبارت بولندیغنی و مرض محال اوله رق بو
شاهدلرک شهادتیه حکم جاز اولسه بیه اصل بالطه
و بچاق ایله هجوم ایدن شاگر چاوش و اوغلی
اجد اولوب بالطع موکلریده صوبا و سائر
ایله مقابله ومدافعهده بولمش اولدقزینی و طیب
راپورتده شاگر چاوش و اجدده کوریلان
جریحه لرک الت راخیه ایله حصوله کلدیکی محرر
اولوب اگرچه موکلریده بالطه و بچاق اولسه
جریحه لرک الت قاطعه ایله حاصل اوله جغنی
درکار ایدوکنندن بوجهته بالطه و بچاغک شاگر
چاوش و اجدک اللرنده اولدیغنیك تحقیق ایتدیکنی
بالیان هر ایکیسینک دخی رانت ذمترینه قرار
ویرلسنی طلب ایتلریله ولدی السؤال طرفینک
بشقه برده جگرلی اولدیغنی اکلشمله محاکمه نك
ختم بولدیغنی بیان اوله رق مذاکره اوپله سنه
کلندی .

طرفینک ادما ومدافعاتک استماعندن و اوراق
تحقیقه نك مطالعه و تدقیقندن صکره ایجاب کیفیت
لدی المذاکره منم محرم پهلوان و اوغلی و اشرك
هرقدر حضور محکمهده انکار تهمت ایتلکده
وکیل مومی الیه دخی بوجهت محرر مدافعه
ایتکده ايسه لرده بولردن محرم پهلوانک دائره

استنطاقده کوچک اوغلی جیدک بوايشده مدخلی
اولمیوب کندیسینی دیگر اوغلی و اشركه بوشی
پامش اولدقزینی و حتی بویه بر جنایتی اجرا
ایتمک ارزوسنده دکلر سده هر فصله وقوع
بولش ایدوکنی اقرار و اعتراف ایش بولسنه
ومدعی شخصی شاگر چاوش دخی متهمان
مرقومک متصرف اولدیغنی قوریسندن حطب
قطع ایتکده اولدقزلی مثلاً وقعه کونی دخی
محرم پهلوانک دیگر اوغلی حیدره وقوعبولان
اخطار و تنبیهی اوزرینه مرقوم جید پدری محرم
پهلوانه کیفیت حکایه ایتکله مرقومک النده بالطه
و اشرك دخی بچاق اولدیغنی حایده بالورود
منازعه لری اثناسنده هر ایکیسینی دخی اوغلی اجدک
اوزرینه بالهجوم ضرب و جرح ومؤخرأ
کندیسینده بولردن اجدک جرح ایلدیکنی افاده
و شاهد سعید و عارفک دخی مدعی شخصی
مرقومک افاده سنی مؤید و مصدق اوله رق محرم
پهلوانک بدنده بالطه و اشرك دخی بچاق ایله
شاگر چاوش و اجدک اوزرینه هجوم ایدوب
مرقه مانی ضرب و جرح ایتدیکری صکره قرار
ایلدکرینی مع القسم اخبار ایتلرینه و بولردن
محرم پهلوان خوفلردن ناشی برقاج کونلر قیرده
یاتوب بالاخره حکومته کله رک تسلیم اولدقزینی

سویلدیکی حالده مرقومانك فرارده ایکن قیرده
دردست اولندقلربنك اساس زورنالی ابله متحقق
بولمسنه واحدك قدام رأسنده کوریلان کیرجه
ایکی عدد بچاق یاره سندن متأثراً وفات ایتدیکنك
باراپورت بیلدیرلش اولمسنه ومدافعاته کلجه
شهوددن سعید علیهنده متهملردن محرم پهلوان
طرفندن درمیان ایدیلان اعتراضات شاهد سعیدك
بودرجه غرض وخصوصتی موجب اوله میه جعی
کبی اعتراضات واقعه دخی رد وتکذیب ایدلش
اولوب بناء علیه مرقوم شاهدك شهادتنك
قانوناً مقبول ومعتبر اولدیغی مثللو کرچه دیگر
شاهد طرف اتنای وقعه ده کمندوسی یوز آدیم
مسافه ایلروده اولوب شا کر چاوش ابله اجددن
دم جریان ایتدیکنی مشاهده ایتکلکه بانیلش
اولدیغندن متهملردن محرم پهلوانك یدنده برشی اولوب
اولدیغنك فرقنده دکل ایسه ده حاشرك النده
بچاق بولندیغنی سولنکده اولوب معافیته عارفك
محرم پهلوانك النده بالطه کورماش اولسی دیگر
شاهد سعیدك شهادتی قانوناً حکمدن استقاط ایدر
احوالدن بولنمسنه ومدعی شخصی شا کر
چاوشك او اتناده یدنده بالطه وساره کبی برشی
اولیوب یالکز احدك النده بر اودون کورلدیکی
جله اخباراتدن بولنش و بناء علیه مهاجرلک

متهمان مرقومانك اولدقلری متحقق ایکن او اتناده
احدك یدنده بر اودون بولنسی متهملرک فعلتی
مدافعه و یا مقابله درجه سنه تنزیل ایدر اسبابدن
اوله میه جعنك درکار بولمسنه ومقتول اجدده
کوریلان ایکی عدد جریحه الت راحیه ابله
حاصل اولیوب الت جارحه ابله حصوله کلش
اولدیغنك راپورته کورلش وخصوصیه
اجدده ایکی جریحه کورلسی متهمان مرقومانك
فاعل مشترک اولدقلرینی میدان نبوته ایصال ایدر
قرینه قاطعه دن اولوب احوال مسروده نك دخی
یکدیگرینی مؤید بولنش اولمسنه مینی مرقومانك
انکارلری واهی و وکیل موئی الیهك مدافعات
واقعه سی دخی اسباب ميسوطه ابله مردود
بولندیغندن منم محرم پهلوان و اوغلی حاشرك
شا کر چاوش واحد ابله ینلرنده تکیون ایدن
اورمان منازعه سی اتناسنده بالطه و بچاق ابله
مشترکاً احدی قتل وشا کر چاوشی جرح
ایلدکاری تحققی ایتکلکه مجرمیتلرینه متفقاً قرار
وبریلوب اولباده تنظیم اولسان قرارنامه علناً
قرائت اولندقده معاون موئی الیه مجرمیتلری تحت
حکمه انسان محرم پهلوان و اوغلی حاشرك قانون
جزانك قرق بشنجی ماده سی موجبجه یوز یتش
دردنجی ماده سنك فقره اولمسنه توفیقاً تعذیب

و وکیل موئی الیه دخی تخفیف جزالرینی طلب
ایتلریله مذا کره او طه سنه عودت اولندی .

جهت جزایه حقننده دخی ایجابی تذکر
اولندقده مجرمیتلری تحت حکمه اتان محرم پهلوان
واوغلی حاشرك فعل وحرکتلری قانون جزانك
قرق بشنجی ماده سی موجبجه یوز یتش دردنجی
ماده سنك فقره اولمسنه موافق اولدیغنه وماده
مذکورده بر جرمك مشترک فاعلاری قانونك
صراحتی اولیان مواده اول جرمك فاعل مستقلی
کبی مجازات اولنور وققره مذکورده دخی
برکیسه من غیر تعمد بر شخصی اتلاف ایتش ایسه
اون بش سنه مدله کورکه قونیلور دیو محرر
بولندیغنه مینی ماده وققره مذکورده احکامنه
توفیقاً وابتدای توقیقلری اولان اوچیوزیدی
سنه سی ذی القعدة سنك طقوزنجی کونندن اعتباراً
بعداالتشهر اون بشر سنه مدله کورکه قونلرینه
وضبط واعلام واستنطاق خرجلری اولان جمعاً
ایکیوز التمش غروشك دخی مرقوماندن بالتخصیل
عدلیه وزنه سنه تسلیم ایتدیرلمسنه اوچیوز سکرز
سنه سی صفرینك طقوزنجی کوننه مصادف
اولان اوچیوز التی سنه سی تشرین اولنك برنجی

کونی متفقاً قرار و بریلوب اصول تفهیمی اجرا
قلندی .

فی ۳۱ تشرین اول سنه ۳۰۶

اعلان

چتالجه قضا سنه تابع طاغ یکیکه قریه سننده
بغچوانلق ایدن فلیب ولد ندلجوبی اون سکرز
یرندن جرح ایلدیکی اداسیله مظنون علیه
اولوب وادی فرارده بولنان طرنوی مهاجرلرندن
یکیکه طاغده مقیم چولاق حسین برادری اون
سکرز یاشنده اورته بویلی چاقر کوزلی صاری
بکرلی چیچک بوزیغی کوسه جه مصطفانك فعل
مذکورده اجتسار ایلدیکی تحققی ایتش وحرکت

واقعہ سی قانون جزائک ایکہ۔ وز یکرمی برنجی
مادہ سی حکمنی مستلزم افعال جنائیہ دن بولنش
واصول محاکمات جزائیہ قانونک باب رابعنک
فصل ثانیسندہ محرر مواد احکامنہ توفیقاً چتالجه
بدایت جزا محکمه سندہ غیاباً محاکمہ سی اجرا
اولفق اوزره جنایتله اتهام ایدلش اولدیغندن
مرفوم مصطفانک زده کور بلورایسه طویلوب
محکمہ مذ کوره توفیقخانه سندہ تسلیمی لازمکله جکی
بالجمله ضابطه عدلیه مأمورلرینک معلومی اولق
اوزره اش۔ بو اخذ وکرفت امری درس۔ عادت
هیئت انهامیه سندن بالنظیم اعطا قلندی .

فی ربيع الآخر سنه ۳۰۸

وفی تشرين ثاني سنه ۳۰۶

سلوری قضائیه تابع کوسمز قریه سنک اوج
یوز بش سنه سی اعشار ملتزمی چانطه لی خرسناکی
کهیانک تقاسیط مذ کوردن ایکی یک یوز غروشی
هنوز تأدییه ایتدیکنندن سلوری قضائیه مال مدیری
رفعتلو کاظم بک طرفندن قریه مذ کوره مرعه سندہ
کلوری یولیه سلوری یولی اره سندہ یوز اون
القی نومرو ایله مقید برقطعه باغ وینه موقع
مذ کورده یوز اون پیدی نومرو سندہ مقید برقطعه
زلا وینه مرعای مذ کورده عیانلق خیماغی نام
محمده اون بر نومروده مقید برقطعه باغ وینه
قرمزی طو پراقدہ اون بر نومروده مقید برقطعه
باغ وحسن چشمه موقعده اون نومروده برقطعه
باغ وینه قرمزی طو پراقدہ الی نومروده مقید
برقطعه باغ که جماعاً بش قطعه باغ ایله برقطعه
زلاسی تحت ججه التمش اشبو تاریخ اعلاتنامه دن
اعتباراً اون بشکون صکره محجوزه مذ کوره نک
سلوری چارشوسیه چانطه قریه سندہ اشبو مزایده
قامه سندن اون بشکون صکره مزایده علنیه سنه
تشبث ایدیله جکی اعلان قلنور .

فی ۱۷ تشرين ثاني سنه ۳۰۶

شیلہ قصبه سنک حاجی قاسم محله سی اهاالیسندن
صالحی زاده علی افندیکنک رسوم متنوعه بدلندن
شیلہ قضائیه مال صندوقه دینی اولان معلوم
المقدار مبالغتک تأمین استیفاسی ضمنده تحت ججه
النان و بدلاری سیم مجیدیہ اون طقوز غروشدن
اولق اوزره موقع مزایده به چیقار یلان اموال
غیرمنقولہ سندن شیلہ چارشوسنده کائن و ابرانی
موسی اغانک مسناً جراً اقامت ایلکده بولندیغی
بر باب بقال دکاتی ایکیبیک ایکیوز التمش وقصبه
مذ کوره نک اسکله سوقاغنده و ترسانه موقعنده
ایکی قطعه قاتی چوککی ایکیبیک یدپوز غروش
بدلر ایله خزینہ جلیله نامنه قضاء مذ کور مال
مدیرلیکی وکالتی اوزرنده تقرر ایدوب اش۔ بو
تاریخندن اعتباراً اوتوز برکون صکره قرار
قطعیسی و بر بله جکندن یوزده بش ضمیمه طالب
اولنلر اولدیغی حالده مدت مذ کوره ظرفنده
شیلہ بدایت محکمه سی اجرا دائره سندہ مراجعت
ایتلری اعلان اولنور .

فی ۲۲ تشرين ثاني سنه ۳۰۶

حق افندیکنک ۲۰۸ نومرو لی اعلام موجنبجه
عبداه حلمی افندی به محکوم به دینی اولان
معلوم المقدار مبالغتک تسویه سی ضمنده اورته
کوبده دیوان یولی جاده سندہ یتش یدی نومرو لی
برقطعه عرصه نک ملک کدی تاریخ اعلانندن
اعتباراً اون بش کون صکره بالمزایده فروخت
ایتدیر بله جکی بک اوغلی بدایت محکمه سی اجرا
مأموریتی جانندن اعلان اولنور .

فی ۱۰ کانون اول سنه ۳۰۶

موسیقہ همایونندن مخرج حلیم افندی ذمتنده
درت یک یوز اون سکز و سلائیک ولایت جلیله سی
والی اسبقی متوفی اسماعیل پاشا مخدومی فوآد بک
وکریمه لری عدویه ولیلا خانملر ذمتنده حسب
الورائیه اون بش یک یدپوز اوتوز بر وضبطیه
مشیر اسبقی متوفی حسنی پاشا ورثه سندن نوری
بک ذمتنده حسب الورائیه یوز یکرمی بر یک یوز

قرق بش و موصل متصرف سابق مصطفی پاشا
مخدومی توفیق بك ذمتده طقوز يوز و خدمه
حصه شاهانه نفراندن مخرج مصطفی افندی
ذمتده بك اوچيوز قرق طقوز واسكدارلى عابشه
خانم ذمتده بك ايكيوز اوتوزالتى و ملتزم مورلى
عارف بك ذمتده ذخاير بهاسندن درت بك
سكسان و حروفات تيجارندن مهندسيان اوخانس
ذمتده يوزالى بك و ملتزم پاپاس اوغلى اوخانس
ذمتده بلغراد قريهسى اورغانلندن طولاي الى
بك اوچيوز يكرمى بدى و روسجقلى غزغزىلى
اغوب و عثمان افنديلر ذمتده صيد ماهى رسومندن
طولاي درت بك يوز يتش و ملتزميندن استغنائى
قونومونك صاريجه و سائر چفتلكانك بدل
ايجارندن بك سكسان و بشنجى اردوى همايون
برنجى بلوكى يوز باشيسى بيجت بك مخدومى
هاشم بك ذمتده اوتوز بدى و چرچر محله سنده
مقيم سروتن قادين ذمتده ايكيوز قرق التى بيجق
عروش كه خزينه جليله ماليه نك مومى اليهم
ذمتلنده الاجنخى اولان معلوم المقدار مبلغك مع
كذشته و مصارف محاكمه تحصيلي حقننده نظارت
مشار اليها و كيللارندن عزتلو منصور بك طرفندن
درسمعادت بدايت محكمهسى برنجى حقوق
دائرة سنده اقامه اولنان دعوى اوزرينه مديون

مومى اليهمك محل اقامتلى مجهول بولنديغى
اكلاشلىش و مذكور دواوينك ابرو ابرو رويى
ايچون اشبو كانون اولك يكرمى التجبى چهارشنبه
كونى تعيين و تخصيص قلندر قرق هر بررلى
ايچون يوم مذكوره محكمه مرقومهده حاضر
بولملىر يسه دائر تنظيم و املا قلندان اون اوج
قطعه ورقه دعوتيه اصول محاكمه حقوقيه قانونك
يكرمى التجبى مادهسى موجب محكمه ديوانخانه سنده
تعلق قلنش اولديغندن ذات ورثه مومى اليهمك
يوم مذكوره محكمه مرقومهده حاضر بولملىرى
و اطرفلندن مصدق سنده برر وكيل كوندرملرى
وعكسى حالنده قانون مذكورك يوز قرق بش
و يوز قرق التجبى مادهلى منطقجه وكيل
مسخر تعيينيله معامله غيايه اجرا اولنه جنخى
معلوم اولق اوزره مذكور يكرمى التجبى ماده
قانونيه دائرة سنده اوله رق اعلان كيفيته
ابتدار قلندى .

في ١٢ جاذي الاول سنه ٣٠٨

وفي ١٢ كانون اول سنه ٣٠٦

خزينة جليله ماليه نك صوفيه قائمقامى متوفى
عبداللطيف پاشا ورثهسى ذمتده اولان برميلون
اوج بك سكز يوز الى التى و سابق اطنسه
محاسبه جيسى عزق افندى ورثهسى ذمتده اون
درت بك يديوز الى بش و درسمعادت امتعه
كركى وزنه دارى متوفى حق افندى كفيللى الاى
امين حسن افندى ورثهسى ذمتده الى سكز بك
ولحم قوهيسيونى رئيسى قائمقام مصطفى بك
ورثهسى ذمتده بك و سابق باليكسر قضاسى
مديرى صالح افندى ذمتده پوليجه جى اغوبك
دينندن طولاي اوج بك ايكيوز و ايزورنىق
سجايغلك مقل قضاسى سابق مديرى حفظى بك
ورثهسى ذمتده ايكي بك و سابق تلغراف و پوسته
ناظرى حيدر افندى ورثهسى ذمتده اوج بك
يديوز و بلاط قضاسى مديرى اسبق عبدالكريم
اغا ورثهسى ذمتده الى طقوز بك يديوز الى سكز
وادرنه واليسى اسبق عارف پاشا ورثهسى ذمتده
طقوز يوز قرق و طاشليجه قضاسى قائمقامى متوفى
عبداللطيف بك ورثهسى ذمتده اونبر بك يديوز
يكرمى بش و سلاستره واليسى اسبق اسماعيل پاشا
ورثهسى ذمتده التى بك بشيوز اوتوز ايكي
وادرنه واليسى مرحوم عارف پاشا ورثهسى
ذمتده طقوز يوز قرق درت و سينوب قائمقامى
اسبق طوفان پاشا ورثه سندن و بحريه قول اغالرندن
فخرى بك ذمتده الى درت بك يديوز بدى

في ١٧ جاذي الاول سنه ٣٠٨

وفي ١٧ كانون اول سنه ٣٠٦

فندقیده ساکن قصاب لطفی افندیڭ
 درسه عادتده فنارده عبدی صوباشی محله سنه ۲۸
 نومرولی حاجی دکانده ساکن اصناف مرقومه دن
 نجیب اغا علیهنه درسه عادت محکمه نجیارتی
 ایکنجی مجلسنده برقطعه سند موجبجه اقامه
 ایلدیکی بوزیکرمی اوج لیرا مطلوبات ادعاسنک
 فصل ورؤیتی ضمنده تنظیم اولنان دعوتیه
 ورقه سی مباشری واسطه سیله مرقوم نجیب اغانک
 سالف البیان محل اقامته ارسال اولمش ایسه ده
 بولنه مدیغی و محل اقامتی مجهول اولدیغی مباشری
 طرفندن خبر ویرلش و دعوی مذکورنک
 اوجیوز الی سنه سی کانول اولنک اوتوز برنجی
 بازار ایرتسی کونی ساعت النیده اکل فصل
 ورؤیت اولنه جغندن بوم و دقت مذکوره ده
 مرقوم نجیب اغانک بالذات محکمه ده حاضر
 بولنسی و یاخود مصدق سنده بروکیل کوندرسی
 لازم کله چکنندن و شاید کلز و طرفندن مصدق
 سنده بروکیل کوندرمز ایسه حقننده معامله
 قانونیه نک اجرا اولنه جغی معلوم اولق اوزره
 بوکره مجملدا تنظیم اولنان دعوتیه ورقه سی
 محکمه نک دیوانخانه سنه تعلیق اولندیغی کبی
 غرتله واسطه سیله دخی اعلان کیفیته ابتدار
 قلندی .

فی ۱۷ جادی الاول سنه ۳۰۸

وفی ۱۷ کانون اول سنه ۳۰۶

فروسه قادیڭ چنکل قریه سنده مقیم
 باغجی محمود اغا ذمنده بااعلام الاجغی اولان
 مبالغک تأمین استیغاسی ضمنده محجوز بولنان
 مدیون مومی الیهک قریه مذکورده اورتیه
 دره نام محله واقع سکر نومرولی بتون باغ ایله
 لکه جی یوزی زقا غنده الی درت نومرولی باغ
 مع قوندلنده اوج حصه اعتبار بله ایکی و جام
 اسکله سی زقا غنده اون ایکی نومرولی عرصه ده
 اوج حصه اعتبار بله متصرف اولدیغی بر حصه سی
 عندالمزاید بشیک غروش بدل ایله طالبی عهده سنده
 تقرر ایدرک تاریخ اعلاندن اعتباراً برماه ختامنده
 قرار قطعیسی و بریله جسی جهتله بوزده بش
 ضمیمه زیاده طالب اولنلرک مدت مذکوره
 ظرفنده اسکدار اجرا داتره سنه مراجعت ایللری
 اعلان اولنور .

فی ۱۵ کانون اول سنه ۳۰۶